



故宮珍本彙刊

姑蘇名賢小紀·中鑑錄

故宮博物院編 海南出版社

等六種

故宮珍本叢刊第 061 冊史部傳記類

故宮博物院編

大清國史宗室列傳

姑蘇名賢小紀 中鑒錄

欽定國史大臣列傳

欽定國史循吏傳

百美新咏圖傳



海南出版社

圖書在版編目(CIP)數據

大清國史宗室列傳/(清)國史館撰. —影印本. —海口:海南出版社,2000.1

(故宮珍本叢刊.史部.傳記/故宮博物院編)

本書與“姑蘇名賢小紀/(明)文震孟撰·中鑒錄/(明)王畿撰·欽定國史大臣列傳/無名氏撰·
欽定國史循吏傳/(清)國史館撰·百美新咏圖傳/(清)顏希源編”合訂

ISBN 7-80645-866-2

I.大… II.國… III.傳記—中國—古代 IV.Z121.7

中國版本圖書館 CIP 數據核字(2000)第 71691 號

故宮珍本叢刊第 061 冊

史部·傳記

大清國史宗室列傳 姑蘇名賢小紀 中鑒錄 欽定國史大臣列傳
欽定國史循吏傳 百美新咏圖傳

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 1 月第 1 版 2001 年 1 月第 1 次印刷

開本:787×1092 毫米 1/16 印張:25.5 印數:1-400 冊

ISBN 7-80645-866-2/Z·33

定價:650 元(別史詔令奏議傳記時令 4 類 19 種共 4 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

宗室列傳目錄

太宗文皇帝諸子

和碩武肅親王豪格

子和碩顯懿親王富壽

多羅溫良郡王猛莪

洛格

洛博會

輔國公葉布舒

和碩承澤裕親王碩塞

子和碩莊靖親王博果鐸

鎮國愍厚公高塞

輔國公常舒

輔國公韜塞

和碩襄昭親王博穆博果爾

宗室列傳

太宗文皇帝十子。長和碩武肅親王豪格。次洛格。

次洛博會。次輔國公葉布舒。次和碩承澤裕

親王碩塞。次鎮國愍厚公高塞。次輔國公常

舒。次

世祖章皇帝。次輔國公韜塞。次和碩襄昭親王博

穆博果爾。

和碩武肅親王豪格。

太宗長子也。生而英毅多智畧。初從征蒙古董夔

察哈爾鄂爾多斯諸部。並有功。封貝勒。天命

十一年十月。隨大貝勒代善等北征蒙古喀

爾喀扎魯特部。斬獲甚多。語詳禮親王傳。天

聰元年五月。從

太宗伐明。至廣寧舊邊。分兵三道。豪格及諸貝勒

率精騎前行。明兵二萬來拒。時豪格前軍僅

八十人。奮擊敗之。敵衆盡棄馬匹甲冑而竄。

三年九月復從

太宗伐明。大兵逼北京。明寧遠巡撫袁崇煥。錦州總兵祖大壽等。以兵二萬入援。屯廣渠門外。於右偏伏兵甚多。豪格領兵迎擊。推其衆追殺至城壕。又同岳託薩哈璘二貝勒率精兵四千往圍永平府。攻克香河縣。四年春正月。奉

命與岳託留守瀋陽。五年二月。偕貝勒濟爾哈朗。

收取碩特塔布囊部落。七月。

太宗率大軍西征。豪格與杜度薩哈璘二貝勒居守。六年。晉封和碩貝勒。七年。有

詔令羣臣言事。豪格言今即攻得錦州。此外七城尚煩攻取。其心未肯歸服。非兵法所謂攻心爲上者也。今盡率我兵。及邊外新舊蒙古兵。從舊道入邊城。爲書頒示屯寨。告以我願和而彼不肯和之意。仍使傳諭各城。則彼國人

民必云彼兵強盛。尚欲議和。我兵懦弱。反不欲和。而坐視生民塗炭。皆自怨其主。與我無尤。非計之上乎。且俟秣馬肥壯。分兵從寧遠及舊路夾攻山海關。萬一不得。即久屯彼地。相機而動。察哈爾近則當征。若遠在興安嶺外。雖追無及。至於朝鮮。且暫行撫慰。俟我與敵國勝負既定。再爲區處耳。八月。遂奉

命與貝勒阿巴泰等。以兵二千。西畧山海關。所獲

無算。八年七月。

太宗將由上方堡入攻宣府朔州沿邊地。豪格率楊古利先往。毀邊牆。大兵入堡。遂分道進。豪格領衆往攻大同。明兵來援。擊走之。九年二月。奉

命與多爾袞岳託薩哈璘三貝勒爲統兵元帥。率兵一萬。往收察哈爾林丹汗之子額爾克孔果爾額哲。將行。

太宗親送至演武場授以方畧。五月師至西喇朱爾格。遇察哈爾汗妻及瑣諾木率其部民千五百戶來降。師渡黃河。駐托里圖之地。時天大霧。額哲國中無備。諸貝勒恐其驚覺。勒兵不動。遣金塔什之孫南褚等。先往見其姊蘇泰太后及子額哲。諭以諸貝勒奉

命統兵來招爾等之意。蘇泰太后令其子額哲率衆寨桑出迎諸貝勒。以禮相見。次日額哲率

羣臣及部民歸降。時鄂爾多斯濟農來招額哲。先與盟誓已行矣。我前軍阿什達爾漢追及之。濟農來見諸貝勒。令還察哈爾遺物。毀其誓約。濟農聽命是役也。於額哲母蘇泰太后處得古玉璽交龍紐。其文曰。制誥之寶。元順帝奔應昌時所失。察哈爾林丹汗得之於元。後裔博碩克圖汗者也。還師渡河。抵歸化城。岳託有疾。分兵防護察哈爾降民。豪格與

諸貝勒率兵携額哲及其大臣往畧明山西邊郡。自平魯衛入直抵長城下。擊敗寧武關哨卒。遂毀關入畧代州。駐師忻州。畧地至忻口。擊敗明守將兵。追至崞縣。乃整師還。出長城。自應州赴平魯衛。所至明兵望風潰遁。復抵歸化城。與岳託會。班師。

太宗率諸貝勒大臣等迎於楊石木河。崇德元年四月。

太宗建國號大清。大封諸王。豪格以軍功多。晉封和碩肅親王。兼理戶部。尋坐事降貝勒。解部任。十二月。

太宗親征朝鮮。命與睿王多爾袞分統左翼滿洲三旗。蒙古三旗。及外藩蒙古左翼兵。別從寬甸路入。二年正月。入長山口。昌平城軍民皆棄城奔山寨。遣兵攻克之。安州黃州守將率師出寧邊城來拒。我兵敗之城下。生擒寧邊

守將時我捉生兵至宣屯村。村民言安州守將聞國王城被圍。遣兵往援。去三日矣。是夜即選銳士。行一晝夜。追及破其衆。三年十月。復偕奉命大將軍睿王多爾袞等伐明。毀牆而入。俘獲不可勝計。四年凱旋。

賜馬二匹。銀萬兩。復管戶部事。尋復封肅親王。十一月。偕貝勒多鐸。伐明。寧遠兵出北山岡拒戰。遣右翼兵擊敗之。陣斬總兵金國鳳。及其

三子。六年坐事。降郡王。復率官兵往代鄭親王濟爾哈朗等。圍明錦州。五月。擊敗錦州松山援兵。六月。山海關內援兵復出松山拒戰。我兩翼兵合擊。追殺五里。獲馬五百餘匹。時明經畧洪承疇。率諸總兵馬步卒十三萬。援錦州。兵勢甚盛。八月。承疇兵犯我右翼。豪格率兩紅旗正黃旗鑲藍旗及外藩兵擊敗之。太宗聞承疇兵來犯。遂統大軍親征。自盛京疾馳。

六日。將抵松山。遣大學士剛林。馳諭多爾袞。豪格先駐高橋。俟大軍至。合圍松杏。多爾袞。豪格馳奏。請大軍少駐松杏間。

太宗允之。仍遣剛林羅碩諭曰。朕今駐營。敵人必速遁。恐不能多所斬獲也。諸王貝勒大臣望見。

儀仗及前隊旗纛。向松山杏山進發。俱踴躍歡呼。明諸將見大軍環松山而營。大懼。是夜總兵

吳三桂等沿海潛奔。我兵追擊。橫尸布野。尋與睿王多爾袞還守盛京。十月。復圍明錦州松山杏山。七年二月。松山副將夏承德。密遣人來約爲內應。以其子舒質夜半。我兵緣梯以次畢登。比敵覺之。我師已於城上設邏卒矣。黎明。生擒承疇。巡撫邱民仰。總兵王廷臣。曹變蛟。祖大樂等。其兵備道副將以下。文武官百餘。兵三千餘。盡殺之。四月。復同鄭親王。

濟爾哈朗等率右翼兵攻克塔山城。七月。以軍功復封肅親王。順治元年四月。坐事削爵。十月。復原封。三年正月。奉

命爲靖遠大將軍。率行禧郡王羅洛宏。貝勒尼堪等西征。時漢中府久爲逆賊所困。王至。圍立解。盡復所屬州縣。攻克諸山寨。陝中盜賊盡平。十一月。整兵入川。至南部。偵知賊首張獻忠據西充。令護軍統領鰲拜等領兵先發。王

統大軍。兼程繼進。抵西充。獻忠盡率馬步賊兵迎敵。王令鰲拜等奮擊。大破之。戮獻忠於陣。復分兵收斬餘賊。凡擒僞王巡撫總兵以下官二千三百有奇。四年。分兵剿定遵義。薨。茂榮昌隆。昌富順內江。資陽。諸州縣。川寇悉平。五年。奏凱。

世祖遣內大臣達爾漢諾顏往迎。二月至京。世祖御太和殿宴勞之。尋爲睿王多爾袞構陷。薨。

於獄八年。

世祖親政。念其枉。復王爵。立碑表之。十五年。賜諡曰武。再立碑以紀其功。子二。長富壽。次猛我。

富壽。以順治八年襲父爵。改封顯親王。康熙八年十二月。薨。諡曰懿。猛我。以順治十年封多羅溫郡王。康熙十三年七月。薨。諡曰良。洛格。洛博會。

太宗第二第三子也。未及授封而卒。

輔國公葉布舒。

太宗第四子也。初授三等鎮國將軍。晉封輔國公。薨。

和碩承澤裕親王碩塞。

太宗第五子也。順治元年。封多羅承澤郡王。隨定國大將軍豫親王多鐸南征。破流賊。平陝西。撫定河南。二年。隨大軍南征。平淮揚。

世祖念其在軍中日久。

賜團龍紗衣一襲。五月渡江。下江寧。擒偽福王朱由崧。江南浙江悉平。凱旋。

賜金二千兩。銀二萬兩。玲瓏鞍馬一馬四匹。三年復從豫親王北征。蘇尼特之騰機思等部至。聞騰機思已遁。即同豫親王疾追。凡五晝夜。及於滾噶樓臺之地。大敗其衆。俘獲無算。又擊敗喀爾喀土謝圖汗。及碩雷汗兵。五年七月。率兵勦天津土寇。殲之。十一月。以喀爾喀部落兩楚虎爾行獵入我邊界。

命碩塞統兵駐防大同。是年冬。總兵姜瓖據城叛。六年正月。賊黨劉遷攻代州。據其外關。守將愛松古被困。王率兵往援。舉梯攻城。大破之。遷解圍遁。又於德勝路遇賊援兵。列營拒敵。王親督戰。敗之。八年。以王軍功懋著。晉封和碩承澤親王。管兵部事。尋任議政。十二年十一月。薨。年二十七。謚曰裕。子博果鐸襲爵。改

封號曰莊。雍正元年。薨。謚定靖。鎮國公高塞。

太宗第六子也。初封輔國公。康熙八年。晉鎮國公。薨。謚愍厚。常舒。韜塞。

太宗第七第九子也。初俱授鎮國將軍。康熙八年。晉封輔國公。薨。和碩襄親王博穆博果爾。

太宗第十子也。順治十二年。授封。十三年七月。薨。謚曰昭。

贊曰。自昔言佐命者。必曰攀龍附鳳。依日月之末光。况夫龍章鳳質。分光日月者耶。武肅親王。自

太宗時。克敵致果。厥勲爛如矣。及世祖平定中原。授鉞西征。拯兩川於水火。安民除暴。功尤懋焉。承澤裕親王。雖未專閭。漠北江

南。所在著績。較漢初喜之王代。交之王楚。豈
不優歟。其餘或未及授封。或授封而行蹟不
少。槩見按其次第。表著於篇。庶幾
聖子神孫。與我

國家千萬年並垂無極云。

宗室列傳目錄

鎮國襄毅公楊福子三官保 噶喇瑪附

輔國將軍德綸

輔國敏恪將軍扎山

原封輔國將軍薩山

輔國公鄂飛

原封輔國公齊克塔哈

鎮國將軍伊克塔哈

輔國將軍塞祜德薩克新

輔國將軍塞克圖塞勒伯杜爾伯

原封鎮國將軍瑪喀納

鎮國將軍富爾泰

鎮國公額爾圖子賽音圖附

輔國將軍富達禮

輔國將軍武錫

原封輔國將軍墨美

原封和碩簡親王喇布

和碩簡修親王雅布

子雅爾江阿
祿附

阿扎蘭

輔國襄敏公巴賽

原封輔國公門度

子準都附

原封鎮國公根都

原封固山貝子富善

固山貝子福存

子德普附

宗室列傳

鎮國襄毅公楊福鎮國端純公託克託慧子

康熙十八年正月授三等奉國將軍三十二

年任右衛護軍叅領三十五年從撫遠大將

軍伯費揚古征厄魯特噶爾丹於昭莫多地

方奮勇擊賊敗之叙功授二等奉國將軍陞

右衛副都統尋還京補正白旗蒙古副都統

三十八年調奉天副都統四十年陞寧古塔

將軍四十八年調黑龍江將軍五十四年正

月

上諭宗人府曰黑龍江將軍楊福人材壯健自簡

用歷任以來居官敬慎著將伊父託克託慧鎮

國公爵令其承襲不必入八分公內是年五月

薨

上御書諭旨示諸大臣曰聞黑龍江將軍楊福已
故朕心軫惻伊人材壯健且係為君為國捨身

効力之臣將軍之任甚屬緊要伊子三官保為人甚孝住彼已久熟悉地方情形目今雨水之時家口不可行著十月內來此時著三官保署理俟伊父喪回時奏明再行定奪寫此旨時不覺潛然淚下也

賜白金一千兩

命散秩大臣和碩額駙尚崇義等馳驛往弔

賜諡襄毅明年宗人府具題以楊福子三官保承

襲鎮國公其原加之雲騎尉與

特恩又加之雲騎尉并為騎都尉以三官保之弟

噶喇瑪承襲三官保於康熙六十年從征西

藏薨於軍噶喇瑪以雍正二年封鎮國將軍

明年卒

輔國將軍德綸輔國公塔海子康熙四年封

三等輔國將軍四十年卒

輔國敏恪將軍扎山固山溫簡貝子固爾瑪

渾子康熙十四年正月授封三十三年卒諡敏恪

原封輔國將軍薩山固山溫簡貝子固爾瑪

渾子康熙二十一年授封三十六年授散秩

大臣五十四年緣事革爵六十年卒

輔國公鄂飛鎮國懷恩公瑪爾圖之第四子

康熙六年封三等奉國將軍四十六年襲弟

齊克塔哈輔國公五十二年薨

原封輔國公齊克塔哈鎮國襄敏公瓦山第

二子康熙二十五年授封四十六年緣事革

爵雍正四年卒

鎮國將軍伊克塔哈鎮國襄敏公瓦山第三

子康熙三十九年授封四十八年卒

輔國將軍塞祐德薩克新俱鎮國端純公果

蓋子塞祐德以順治十八年授封康熙三十

年卒薩克新以康熙十一年授封雍正十二

年卒。

輔國將軍塞克圖。塞勒伯。杜爾伯。俱原封貝勒。阿敏之孫。洪科泰子。塞克圖。塞勒伯。俱以順治八年授封。十一年卒。並謚懷儀。杜爾伯。以順治八年授封。十五年卒。謚愍厚。原封鎮國將軍瑪喀納。輔國公扎喀納。第五子。康熙四年授封。四十三年。緣事革爵。五十七年卒。

鎮國將軍富爾秦。鎮國公吞齊次子。康熙二年。封輔國公。二十二年。緣事降鎮國將軍。四十年卒。

鎮國公額爾圖。原封貝子溫齊次子。康熙七年授封。五十七年。薨。子賽音圖。康熙三十四年。封三等輔國將軍。五十年卒。

輔國將軍富達禮。鎮國將軍羅託第七子。康熙八年授封。二十五年。緣事革爵。雍正七年。

卒。

輔國將軍武錫和。碩鄭獻親王濟爾哈朗第九子。康熙六年授封。三十七年。因病辭退。四十六年卒。

原封輔國將軍墨美。和碩簡純親王濟度長子。康熙五年授封。二十二年。緣事革爵。二十九年卒。

原封和碩簡親王喇布。和碩簡純親王濟度次子。康熙七年。封三等輔國將軍。九年。兄簡親王德塞薨。襲爵。十二年。逆藩吳三桂據雲南反。

聖祖仁皇帝念江南為天下要地。特授王為揚威大將軍。率師之江南。令統轄將軍阿密達。兵及江南滿洲蒙古漢軍。相機調度。保固全省。未幾。耿精忠亦據福建反。上命安親王岳樂。由江西進剿。速取長沙。恐賊乘

間竊發。遂令王率江南兵二千赴江西鎮守。會耿逆兵圍困東鄉縣。王遣叅領索倫遊擊牛鳳翔等擊之。斬賊渠朱三大。敗其衆。十五年七月。耿逆偽都督楊益茂盤踞金谿。倚山結營。王遣滿漢官兵奮力進攻。破其營寨。陣斬三千餘級。賊兵敗走。恢復縣城。又有逆賊楊彪萬勝等竊據萬年縣。肆行劫掠。王遣叅領吳達禪遊擊陳其善等分率官兵相機堵

禦。屢敗賊衆於五都馮家山等處。斬獲及降者甚衆。十六年正月。疏報。江寧將軍額楚等與賊戰於吉安螺子山。失利。請調南昌兵協剿。奉

旨遣官勘問。十七年九月。疏言。茶陵攸縣水路俱通。宜造戰船備用。

上從其請。十八年二月。王遣前鋒統領希佛等進取衡州。夜半抵城下。前鋒叅領戴屯等奪門

入。偽帥吳國貴。夏國相等驚遁。恢復府城。分遣叅領阿進泰。恢復祁陽縣。副都統雅拉哈提督趙賴等。恢復耒陽縣。偽副總兵周嘉貞。遂率偽官兵丁萬餘人投誠。八月。遣征南將軍穆占。攻克新寧縣。是月。疏言。臣探得安親王大兵已克武岡。賊寇敗遁。臣統兵駐劄東安縣。以將軍印信給與都統穆占。率兵駐新寧伺進取。

上責其頓兵新寧。以致軍機大悞。俟回師日。察議令速率官兵往會安親王。進取靖州沅州諸處。十九年正月。昭義將軍伯馬承廕兵以糧匱鼓譟。王即撥餼給之。賴以寧戢。未幾。承廕復叛降吳逆。王與鎮南將軍莽依圖總督金光祖等率滿漢官兵分路進剿。敗賊於武宣。恢復縣城。莽依圖敗賊於陶屯。乘勝前進。遂定象州。王率兵至雒容縣。即進取柳州馬承

廢復降十月。偽將軍饒一龍等率文武偽官來降。獻慶遠府城。二十年。雲南平。王振旅還京。兵部追議王從前在吉安螺子山失利罪。削去王爵。即於是年卒。

和碩簡修親王雅布。和碩簡純親王濟度第五子。康熙十一年。封三等輔國將軍。二十二年。襲簡親王爵。二十九年。厄魯特噶爾丹不靖。

上命安北大將軍恭親王常寧出征。王為其副。旋奉

命赴撫遠大將軍裕親王福全軍前叅贊。敗賊於烏闌布通。十一月還京。三十五年。從

上親征厄魯特。由中路進兵。噶爾丹逃遁。四十年十月薨。

賜諡曰修。子雅爾江阿。阿扎蘭。巴祿。雅爾江阿。襲封簡親王。雍正四年。緣事革爵。十年卒。阿扎

蘭。巴祿。俱封輔國將軍。阿扎蘭。於五十六年卒。巴祿。於四十八年卒。

輔國襄愍公巴賽。輔國武襄公巴爾堪子。康熙二十一年。封奉國將軍。任副都統。三十八年。緣事革職。四十年。復由佐領累陞至正黃旗滿洲都統。五十七年。署理寧古塔將軍。六十年。實授將軍。雍正元年。以父巴爾堪舊勞。追封輔國公。巴賽襲爵。四年六月。授為揚

威將軍。前往阿爾泰軍營。九年六月。巴賽以副將軍同靖邊大將軍公傅爾丹。遇賊於和通腦兒地方。奮勇擊賊。陣亡。諡襄愍。

原封輔國公門度。貝勒尚善第四子。康熙七年。封鎮國公。緣事革爵。尋襲祖篇古輔國公。雍正四年。復緣事革爵。六年卒。子準都。康熙三十四年。封三等鎮國將軍。雍正六年卒。原封鎮國公根都。貝勒尚善第六子。康熙十

一年授封三十七年緣事革爵雍正元年卒
 原封固山貝子富善固山惠獻貝子傅喇塔
 第二子康熙六年封鎮國公十七年襲封固
 山貝子二十九年緣事革爵四十八年卒
 固山貝子福存固山惠獻貝子傅喇塔第五
 子康熙十七年封鎮國公三十五年襲兄富
 善固山貝子三十九年薨子德普襲封鎮國
 公雍正七年薨

宗室列傳目錄

固山溫恪貝子準達子善綬附

原封鎮國公普貴子明保 智保 蘇保附

原封鎮國公普奇

輔國公普昌

輔國將軍察爾岱

鎮國恪恭公登塞

原封多羅貝勒蘇努

鎮國公巴爾子阿布蘭 法布蘭附

輔國公賴士

輔國公務友子富宏附

多羅貝勒諾尼

原封多羅平郡王訥爾都

多羅平悼郡王訥爾福

多羅順承忠郡王諾羅布

多羅順承郡王勒爾貝楊奇充保

輔國公訥默孫

輔國公弼禮克 子弼爾特訥附

原封鎮國公留雍噶爾塞

原封輔國公星尼 子星海附

原封輔國將軍尼他哈

輔國將軍札爾圖

和碩康悼親王椿泰 子崇安附

輔國公灝善 子佛格善福附

原封輔國將軍法復禮

原封輔國將軍圖薩

輔國將軍巴哈穆

輔國將軍巴爾善

原封鎮國將軍百受

固山恪敏貝子色珠

原封鎮國公明瑞

輔國將軍塞楞額

多羅安懿郡王瑪爾渾 子華紀附

原封輔國將軍塞布禮

鎮國公經希

原封固山貝子蘊端

原封鎮國將軍祐錫祿 子富良附

原封輔國將軍齊穆布發度德儀

輔國公構尊

原封輔國公綽克都 子蘇蘇嚴子素拜附

輔國將軍來度

多羅信郡王董額

原封輔國公費揚古

多羅信郡王鄂扎

鎮國公蘇爾發 子色勤附